

Pled d'avertura da la sessiun da zercladur 2026
Presidenta dal Cussegl grond Valérie Favre Accola

(Valair vala il pled discurre)

Stimadas collegas e stimads collegas dal Cussegl grond

Zunt stimada Regenza

Stimadas collavuraturas e stimads collavurats dal Secretariat dal Cussegl grond, stimà chancelier

Stimadas interpretas e stimads funcziunaris da segirezza

Chars giasts sin la tribuna ed al livestream

Ier è stà il di da las elecziuns e las Grischunas ed ils Grischuns han decidì, co ch'il nov parlament grischun, ma er la nova Regenza grischuna duain vesair ora en l'avegnir.

Cura che jau hai scrit il pled d'avertura, n'enconuscheva jau gist uschè pauc sco Vus, ils resultats da las elecziuns da la Regenza e dal Cussegl grond dad ier. Ma jau era superbia, che nus vivain en in pajais, nua che nus pudain anc adina ans participar activamain a la discussiun ed a la concepziun. En in chantun, nua che nus avain ina vaira schelta da candidatas e candidats e nua che nus pudain avoir cumbats electorals fairs. Quai na sa chapescha betg da sez ed er la politica sto avoir quità da quai. Per nossa democrazia vegnin nus numnadamain envilgiads sin plaun internaziunal. In indebliment da quest sistem cumprovà na dastga vegnir acceptà per nagin pretsch e sut naginas cundiziuns.

Perquai hai jau oz grond plaschair da gratular da cor a tut las personas nov elegidas e reelegidas.

Il medem mument less jau dentant profitar da l'ocasiun per engraziar a tut las candidatas ed ils candidats betg elegids ch'èn sa mess a disposiziun e che han uschia pussibilità a la populaziun grischuna ina vaira schelta.

Vus essas As declarads prontos da surpigliar responsabladad e Vus avais cumprovà la voluntad da concepir. I dovra personas sco Vus ch'èn prontas da s'engaschar per noss chantun e per la populaziun grischuna. Il fatg che uschè bleras candidatas e blers candidats èn sa mess a disposiziun, procura per fidanza e fa er curaschi per noss avegnir.

Restai engaschads e critics, n'emporta betg, sche quai è en l'economia, la politica u la societad.

Jau less dentant er engraziar a quellas 25 deputadas e deputads ch'èn sa decidids suenter totalmain 309 onns d'engaschament politic en il Cussegl grond dal Grischun da far piazza.

Grazia fitg per Vossa reflexiun, contribuziun e discussiun critica. Er sche nus essan stads adversaris politics en chaussa, ma mai inimis!

A nus vegniss Vus, stimadas collegas e stimads collegas, tuttas e tuts a mancar e nus ans legrain natiralmain, sche nus pudain restar en il barat politic e persunal.

Quai che m'ha fatg impressiun durant mes temp sco presidenta dal Cussegl grond, è l'abiltad da quest cussegl da chattar cumpromiss solids suror ils cunfins da las partidas e da las linguas. Trais linguas, las pli differentas valladas, differentas persvasiuns politics e tuttina adina puspè la voluntad cuminaivla da cuntanscher il meglier per quest chantun. Quai è la vaira fermezza dal Cussegl grond dal Grischun ed jau sun persvadida, ch'er la nova cumposiziun da quest cussegl vegn a cuntinuar cun questa tradiziun.

Er en l'avegnir na lain nus betg emblidar, che politisar en il Cussegl grond dal Grischun vul dir, da politisar cun il focus exclusiv sin il chantun Grischun e sin la populaziun grischuna!

SEMPER CAPRICORN

Cun quai decler jau la sessiun da zercladur 2026 per averta.